

Մեր Գանձ գրքին մէջ կը կարգանք .

«Հրեշտակապետին բերեալ բրաբիոն Կուսին ,

Նշան յաղթութեան կրեաց աշխարհի» և այլն :

Ըստ վկայութեան Գանձին , աւանդութեան մէջ հրեշտակին երևնալը առ Ս . Աստուածածին թէ աւետման և թէ՛ ննջման ժամանակ , ձեռքին մէջ ծաղիկ բռնած կը նկատուի . ոչ միայն ծաղիկին բրաբիոն կ'ըսուի , այլ և յատուկ ծաղկի մը անուն կը համարուի բրաբիոն , կամ նոյնը կը կոչուի Մարեմայ ծաղիկ , օտարներու մօտ : Մերիններէն ոմանք ալ կը համարեն թէ բրաբիոն է սպիտակ շուշանը , ըստ որում աւետաբեր Գաբրիէլ Հրեշտակապետին ձեռքը այս ծաղիկը կը գրուի , այլք՝ ուրիշ տեսակ ծաղիկ . ինչպէս Յովհաննէս եպոս . Շահաթունեան կ'ըսէ՝ Բջնոյ Չորուտ ձորակին մէջ կը բուսնի Մարեմ ծաղիկ մը կամ բրաբիոն . ծաղկերգու քերթող Կարնեցի Դաւիթ Սալաձորեցին ալ ուրիշ անուշահոտ ծաղիկներու մերձաւոր կը նկատէ բրաբիոնը իր գրուածքին մէջ (Հկ . Բ . էջ 102) :

Ս . Կուսին հրեշտակին ձեռքով բերուած բրաբիոնը , ըստ աւանդութեան , Ս . Յովհաննու ձեռքով գըրուեցաւ Ս . Կուսին գերեզմանին մէջ : Զիթենեաց լեքան վրայ « Արք Գալիլիացիք » կոչուած տեղւոյն և Համբարձման եկեղեցիին միջև ի հնուֆն ցոյց կը տըրուէր հրեշտակին երևման տեղը . ինչպէս կը հասկցուի նորագիւտ արձանագրութենէ մ'ալ : Այս բարեպաշտական աւանդութիւնը ստոյգ է որ մեծ զարգացում գտած է , և ոչ ալ պաշտօնական նկարագիր մը : Միայն Խաչակիրներէ վերջ հազուադիւտ յիշատակութիւններ կան՝ ուխտաւորներու միջոցաւ հաւաքուած : Հոն շինուած է մատուռ մը , որ կը յիշատակուի ԺԴ . դարուն եւ որուն աւերակները տեսնուած են յետին